



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Theses Theologicae De Charitate**

**Huygens, Gommarus**

**Lovanii, [1683?]**

Conclusio Quarta. Ex doctrina S. Ioannis Ep. I.C.2. Nolite Diligere Mundum &c. colligitur quod omnis nostra actio debeat in Deum referri.

**urn:nbn:de:bvb:12-bsb10951907-2**

Proximo inferior, diligatur non propter Deum? Sicut enim teste Aug. l. i. de doct. Chr. c. 22. tota illa dilectio Proximorum in illam dilectionem Dei referenda est, quia nullum à rivulum duci extra patitur, cuius derivatione minuatur; ita quoque tota dilectio aliarum rerum creatarum in dilectionem Dei est referenda ob eamdem prorsus rationem, quod nimirum dilectio Dei nullum à se rivulum duci extra se patiatur cuius derivatione minuatur. Hinc Aug. dicto loco generaliter docet quod jam in animo fundatâ dilectione Dei sit ut quidquid aliud isto genere amoris, qui longè inferior est, in animum venerit, illuc rapi & referri debeat, quo totius illius dilectionis impetus currit.

#### C O N C L U S I O Q U A R T A.

*Ex doctrina S. Ioannis Ep. 1. c. 2. NOLITE DILIGERE MUNDUM &c. colligitur quod omnis nostra actio debeat in Deum referri.*

Primæ Joan. 2. habetur in hunc modum: *Nolite diligere mundum, neque ea quæ in mundo sunt: si quis diligit mundum non est charitas Patris in eo: quoniam omne quod est in mundo, concupiscentia carnis est, & concupiscentia oculorum, & superbia vite, quæ non est ex Fatre, sed ex mundo.* Primo veratur dilectio mundi & rerum mundanarum his verbis: *Nolite diligere mundum, neque ea quæ in mundo sunt.* Deinde dilectio mundi opponitur charitati Patris, si quis diligit mundum, non est charitas Patris in eo. Tertiò objectum dilectionis mundanae, sive eorum quæ in mundo sunt, adæquatè isthic dividitur in objectum concupiscentia carnis, objectum concupiscentia oculorum, & objectum superbie, omne quod est in mundo &c. Addi hic potest, quod & in conclusione prima observatum, dilectionem hic accipi pro dilectione mansoria sive fruitiva. His præmissis, ex primo infertur, quod nulli creature liceat inhærere dilectione mansoria sive fruitiva, talis namque à S. Joan. prohibetur. Ex secundo infertur quod dilectio ordinata sit illa quæ vocatur charitas Patris, & inordinata ei opposita, sit illa quæ pro objecto habet rem creatam; dilectionem rursus intellige mansoriam; adeoque Dei solius, nulliusque creature fruitio erit licita. Ex tertio infertur quod fruitiva sive mansoria dilectio sensualium, item similis dilectio sciendi & experiendi, item mansoria dilectio honoris & excellentiæ, sit dilectio mundi sive virtuosa concupiscentia. Quemadmodum superiori conclusione ex sensu plano & naturali primi & maximi mandati positivi ostendimus injectam nobis esse obligationem omnes actiones nostras in Deum referendi, ita in hac conclusione ex sensu rursus plano & naturali primi & maximi mandati negativi, pariter ostendimus esse obligationem omnem actionem nostram in Deum referendi. Primum & maximum dicimus esse hoc mandatum inter negativa, primum quidem quia est de prima origine sive radice omnium malorum, siquidem radix omnium malorum est cupiditas. Quemadmodum radix omnium bonorum est charitas: maximum dicimus quia comprehendit omnia præcepta negativa & aliquo modo etiam positiva, sicuti præceptum de diligendo Deo omnia præcepta tam legis quam Prophetarum comprehendit ut Aug. meritò dixerit quod *Scriptura sacra non præcipiat nisi charitatem nec culpet nisi cupiditatem.* Plánū & naturalem voco sensum à nobis assignatum, quia juxta illum rationalis animi, qui sine amore esse non potest, duo assignantur amores, ex quibus profluant reliquæ affectiones; nimirum charitas Patris, id est, Dei æterni ac incummutabilis; & dilectio mundi ac eorum quæ in mundo sunt, id est, rerum illarum omnium de quibus hoc loco S. Joan. his verbis, *Mundus transit & concupiscentia ejus.* Secundò dilectio Dei, quæ, ut omnibus manifestum, sancta est, opponitur dilectioni mundi velut virtosæ ac noxiæ, idque adæquatâ clarissimâque divisione dividendo amorem rationalis animi in dilectionem Dei & rerum transiunt. Tertiò, divisione rursus adæquatâ & clarissimâ, dilectio mundi dividitur in dilectionem sentiendi, sciendi, excellendi. Quartò in his omnibus sumitur dilectio pro dilectione mansoriæ, quod sensus planus & naturalis

hujus

hujus scripturæ , prout primâ concilione ostendimus , omnino requirit . <sup>11</sup>Duo sunt amo-  
,, res , inquit S. Leo tert. 5. de jejuno 7. mensis cap. 3. ex quibus omnes prodeunt volun-  
,, tates ita diverse qualitatibus , sicut dividuntur auctoribus . Rationalis enim animus qui  
,, sitte dilectione esse non potest , aut Dei amator est , aut mundi . In dilectione Dei nulla  
,, nimia , in dilectione mundi , cuncta sunt noxia : & ideo aeternis bonis inseparabiliter  
,, inhaerendum , temporalibus vero transunter utendum est , ut perigrinantibus nobis , &  
,, ad patriam redire properantibus , quidquid de prosperitatibus hujus mundi occurrerit ,  
,, viaticum sit itineris , non illecebra mansionis .

### C O N C L U S I O Q U I N T A .

Ex verbis Pauli 1. Cor. 10. SIVE ERGO MANDUCATIS &c. colligitur quod omnis nostra  
actio in Deum referri debeat .

**I**N prima epist. ad Cor. cap. 10. dicit Apostolus : *sive manducatis sive bibitis sive aliud  
quia facitis , omnia in gloriam Dei facite.* In quibus imprimis observandus imperativus  
*facite* , qui , dum materia & aliae tam rei quam locutionis circumstantiae , patiuntur , obviè  
ac connaturaliter significat rem esse præcepti sive imperii : hinc idem Apostolus in  
eadem epistola cap. nimis 7. agens de cælibatu , id est , de materia quæ etiam primo in-  
tuitu sati videtur non subjacere generali præcepto ; non est usus verbo imperativi modi ,  
dicendo *noli querere uxorem* ; non est , inquam , usus illo imperativo , nisi varia adendo ,  
quibus significet se non generale præceptum , sed consilium tantum dare . *Præceptum* , in-  
quit , *non habeo , consilium do . Non peccat si nubat . Si acceperis uxorem , non peccasti &c.* hic  
vero , id est , in illis verbis , *sive manducatis &c.* omnia se habent oposito modo . Agitur  
de materia quæ tamquam medium ordinatur ad aliud tamquam finem , in expressione sen-  
tentiae non adjunguntur in contextu quæ naturalem significationem imperativi trahant ad  
significationem consilii ; quin talia potius antecedunt & sequuntur quæ firment significationem  
imperii sive præcepti : antecedentia enim præcipiunt cum aliorum scandalio non  
comedere idolis immolata : & subsequence quæ generatim præcipiunt sine offensione esse  
Judæis & Gentibus & Ecclesiæ Dei , exigunt ut quæ intermedie dicuntur his verbis : *sive ergo  
manducatis , sive bibitis , sive aliud quid facitis , omnia in gloriam Dei facite* , inter-  
pretetur etiam tamquam præceptum . Quomodo enim cum docuerit Apostolus quod  
non licet cum aliorum scandalio comedere idolis immolata , rectè concluderet : *sive ergo  
manducatis , sive bibitis , sive aliud quid facitis , omnia in gloriam Dei facite* , addereturque  
*sine offensione estote* , si hoc , de manducando scilicet & bibendo ad honorem Dei , esset  
tantum consilii ? Siquidem Episcopus aut Pastor incepit ad cælibes sibi subditos loquereur  
in hunc modum ; *non licet fornicari , ergo servate castitatem virginalem , & estote sine peccato* ;  
& similiiter incepit ad adolescentes prodigos sibi subjectos diceret : *non licet bona à Deo  
concessa prodigaliter expendere , ergo ite , vendite omnia que habetis , date pauperibus , & estote  
sine peccato* . Etenim jure merito responderent ejusmodi cælibes : ex eo quod fornicari non  
licet male concludi : ergo servate castitatem virginalem , cum eam servare sit tantum  
consilii : male quoque adjungi illud , *estote sine peccato* , cum ipsi possint esse sine peccato  
etsi non servarent castitatem virginalem : Adolescentes quoque prodigi rectissime res-  
pondent ex eo quod bona sua prodigere non licet , male contra se concludi , ite &  
venite omnia quæ habetis & date pauperibus , cum hoc præstare sit tantum consilii ; &  
male rursus adjungi , *estote sine peccato* , quandoquidem per hoc innuatur quod sine pec-  
cato esse non possint nisi vendant omnia quæ habent &c. ex quibus rursus patet quod ob-  
vius & planus sensus verborum horum Apostoli omnino exigat ut illa verba interpretetur  
non de consilio , sed de præcepto omnia faciendi propter honorem Dei : quem sensum pla-  
num & naturalem rursus exigit magnitudo rei de qua agitur : agitur namque de modo quo  
homo